



ELKARTEA. Bizkaiko Sagardogileen elkarteak kide da Laneko sagardoak. BERBIA

BIZKAIKO SAGARDOA BERRESKURATZEKO LANETAN

Bizkaiko sagardogileen elkarteak 13 urte daramatza bertako sagarra eta sagardoa ezagutarazten. Hasiera batean, galtzen ari zen tradizioa berreskuratzea izan zen helburu nagusia.

Bizkaian sagardoa egiten da. Askok ez dute jakin ere egingo, baina segur aski, orain 10 urte baino gehiagok ezagutuko dute Bizkaiko sagardoa. 13 urte dira Bizkaiko Sagardogileen Elkarteak sortu zela bertako sagardoa bultzatzeko helburuarekin. Ez zuten ezer berririk asmatu nahi, galtzen ari zena berreskuratu baino ez. Halaxe kontatu digu Aitor Intxaurrek, Bizkaiko Sagardogileen elkarteak lehendakariorde eta bozeramaileak, «orain 200 urte sagardo ugari ekoizten zen Bizkaian. Batez ere, baserrietan egiten zen etxean eda-



SALGAI. Bizkaiko sagardoa merkatuetan salgai. JON HERNANDEZ / ARGAZKI PRESS

teko». Baina ohitura galduz joan zen, «gu lanean hasi ginean sagardoa egiten zuten oso baserri gutxi geratzen ziren. Apur bat etxean edan edota inguruko tabernetan banatzen zen».

Bizkaiko sagardogileen Elkarteak lanari ekin zionean argi zeukan, etxeko kontsumoaz gain, merkaturatzea ere bultzatu nahi zutela. Merkaturatu ez izana izan baitaiteke sagardoak Bizkaian izandako beherkadaren arrazoi-tako bat, «garai batean kopuru handia ekoizten zen Gipuzkoan bezalaxe. Aldea komertzializazioa izan da, hemen ez dugu merkaturatu, eta galdutako egin da. Horrez gain, ardoaren lehia ere kontuan izan behar da», dio Intxaurrek.

Bertako merkatua

Sagardoa galtzeaz gain, sagarra ere galdutako izan da sagarra berres-

kuratu nahi dute lehenbizi, ondoren ahalik eta sagardo gehien ekoizti ahal izateko. «Bizkaian dagoen sagar gutzia erosten ahalegintzen gara, nahiz eta zati bat Gipuzkoara ere eramaten duten, eta dagoen sagarraren arabera sagardo gehiago edo gutxiago egiten dugu. Oso urte txarra tokatzen denean kanpora ere jo behar izaten dugu sagar bila». Eta hori da nola edo hala salhestu nahi dutena, «bertako sagardoa egin nahi badugu, bertako sagarra behar dugu. Batzuk aipatu nahi izaten ez duten arren, sagarra dago sagardoaren oinarrian, eta dagokion garrantzia eman behar zai».

Errentagarritasun txikia

Bizkaiko Sagardogileen elkarteak 11 ekoizle ditu kide. Eta ez dira guztiak eremu berekoak: Dima, Zornotza, Gatika, Gernika eta Lea Artibain ekoizten da Bizkaiko sagardoa. Helburu komunarekin egiten dute lan, Bizkaiko sagardoa ezagutarazte, eta horretan ari dira. Horrez gain, kalitatea duten lehen helburu eta kalitatea aipatzean sagarra aipatzen dute, «arazo handia da, ez delako errentagarria. Sagardo produkzioaren errentagarritasuna oso txikia da txakolinaren al-
boan, eta hori da momentuko arazorik handienetakoa. Sagarra eta sagardoa merkeak dira, baloratu eta dagokien prezioa ipintzea behar dute».

Sagarra bultzatzeko ahalegin horretan Bizkaiko Foru Aldundiaren laguntzaz sagar motak aztertuko dira, beste lurralde batzuetan egin de moduan. Horrez gain, Euskal Herri mailako lankidetzak bultzatzeko pausok ematen hasia dira, baina oraindik oinarriak ipintzen dihardute. Eta badago lan horretan jarduteko motiborik, Intxaurrek berak dioenez, bateko eta beste sagardoaren artean ez baitago alderik. «Bizkaiko eta Gipuzkoako sagardoa berdinak dira. Bodega bateko eta beste sagardoa dira ezberdinak». Ohitura aldetik, berriz, Bizkaiko sagardotegi gutxitan dago txotxa, botilako sagardoa da nagusi.

Bizkaian, bizkaiko sagardoa



Bermeo
Laka-Erdi Sagardoa
Juan Amallobieta Arriola
Tel.: 94 613 91 78

Dima
Lapurriketa Sagardoa
94 633 80 39

Gatika
Etxebarria Sagardoa
Itxar Etxebarria
Tel.: 94 674 20 10

Gatika
Malgazaraga Sagardoa
Maribel Abajo
Tel.: 94 676 24 19

Gernika
Isasi Sagardoa
Rufino Isasi Arrieta
Tel.: 94 625 10 69

Gernika
Leartibal Sagardoa
Tel.: 94 684 20 26

Leizama
Erdikoetxe Sagardoa
Andoni Ojanguaren Zornoza
Tel.: 94 457 32 85

Leizorri
Arope Sagardoa
Jose Antonio Bilbao
Ibarcoza
Tel.: 94 616 82 85

Leizorri
Sebastiako Sagardoa
Anton Aresti Eiguren
Tel.: 94 684 26 42

Leizorri
Kandi Sagardoa
Susi Kandi
Tel.: 94 625 80 40

Leizorri
Uxarte Sagardoa
Jose Antonio Zamalloa
Tel.: 94 630 88 15



**bizkaiko
sagardoa**